

Resolución lumero: 26

Asunto: O pronombre presonal de primera presona

Testo de a resolución

1. *Formas de sucheto.* O pronombre presonal de primera presona, de caráuter tonico e con funzió de sucheto, tien a forma *yo* en singular; *nusatros/nusotros*, en plural. A forma *nusaltros*, emplegata en as bals de Bielsa e de Benás, responde á ra fonetica istorica de l'aragonés, pero güei se considera local e con escaso uso en aragonés común.

2. *Formas con preposizió.* En singular, d'aluerdo con a construzi3n cuasi cheneral, se considera como chenuina e propia de l'aragonés a forma *yo* (*con yo, á yo, ta yo, enta yo, por yo*) que ye consellable por tanto en aragonés estándar u común. A construzi3n *con mi*, no ye incorreuta, pero cal considerarla como dialeutal, propia solamén de as redoladas más ozidentals de l'Alto Aragón.

En plural a construzi3n ye en toz os puestos igual, por o que no fa falta consellar una fren á atra. A posible alternatiba se da por o empleo d'a forma *nusatros* u a forma *nusotros*. Como s'ha dito en o punto 1, as dos son correutas pero se da preferenzia normatiba á ra primera: *con nusatros/con nusotros, ta nusatros/ta nusotros*, ezetra.

3. *Formas atonas.* Tanto en funzi3n de complemento dreito como de complemento indreito, a forma que s'emplega en singular de forma cheneral ye *me*: *me charras á yo?, me'n boi, me'n das, lo me tornó, da-me-ne*. En plural, *nos/mos*, encara que se recomienda a forma *nos* fren á *mos* (tamién pro emplegata, pero que se considera menos cheneral): *nos n'imos, nos ne das?, da-nos-ne, "ya nos claman ta zenar"* (Romanze de Marichuana).

Chustificazi3n

Bibliografía

Se beiga ra distribuzi3n de *con yo/con mi/conmigo* en o mapa lumero 1.720 de l'*ALEANR*, asinas como a elaborazi3n que se mete en F. NAGORE, *Os territorios lingüisticos en Aragón*, Zaragoza, Publicaciones del Rolde de Estudios Aragoneses (con a colaborazi3n d'o Gobierno de Aragón, departamento de Educaci3n y Ciencia), 2001, p. 159